

Finanzexperta fressat Rossbolla

Onsere raffgierige Bänker hend ons mit ihrer o'stillbara Gier wunderbar an da Rand von ra Wirtschaftskrise trieba. Wieder-mol isch a Seifablos platzd, dia a paar wenige oheimlich reich gmacht ond etliche Banka schier en da Ruin trieba hot.

Die scheinbare Finanzexperta hend koi Ahnung. A klois Beispiel: Wissenschaftler hend Affa mit Dartpfeil auf die Wirtschafts-seite von dr Süddeutscha Zeitung werfa lasse on dann 100.000 Euro en denen getroffene Wertpapiere a'glegt.

Gleichzeitig hend se Inventment-bänker ihre Tipps abgeba lasse ond au 100.000 Euro in denen Ihre Vorschläg a'glegt. Jetzt dirfet se mol rota, wer noch zehn Jahr die



bessere Rendite abgeworfa hot. Genau, des warat dia Affa.

Manche Bänker blickat's, halt net, wie die schöne Gschicht' beweist: Zwoi bankrotte Bänker gehat durch a Dorf, am Weg liegt en Haufa Rossbolla. Da sagt der oine: „Wenn Du die Rossbolla frisch, geb i dir 10 Euro!“. Der andre überlegt kurz, dann wil-ligt 'r ein und isft mit verzerrtem Gsicht die Rossbolla und kriegt

die 10 Euro. Ebbes später liegt wieder en Haufa Rossbolla am Weg, diesmol sagt der zwoite Bänker: „OK, mal seh, ob Du 's auch machscht. I geb Dir 10 Euro, wenn Du den Rossbolla frisch!“.

Der erschte Bänker überlegt a Weile, aber dann stimmt 'r zu. Noch der gleicha Prozedur kriegt au er seine 10 Euro. Nachdem boide a Weile weitergeganga send, moimt dr oine zom andera: „Sag amol, kann 's sei, dass mir boide für nix en Haufa Rossbolla gfres-san hend?“

Bis näggschd Woch'

Ihr

Wulf Wager